




**NOROGGA
DUOPMOSTUOLUT**



Mielduopmár ja árvvoštallanláhttu

—
Eanariekti



Bures boahтин

Bures boahтин searvat mielluopmárin dahje árvoštallanláhttun eanajuohkinrievttis. Jus leat nammaduvvon eanajuohkinmielluopmárin lágamannerievttis, de gávnnat maiddái ávkkálaš dieđuid dás. Don leat válljejuvvon dán luohttámušdoibmii gielddastivrras dahje fylkkadikkis. Sii oaivvildit dus lea doarvái gelbbolašvuhta ja návccat ja heivet muđuid doaimmahit dán luohttámušdoaimma. Dát lea nuppiin sániin luohttámušduođastus.

Dikki mielláhttun lea du bargu leat mielde mearridit makkár čovdosiid galgá válljet opmodagaid ja geava-hanvuogatuvođaid geavaheapmái, ja muđuid cealkit duomu riidoáššiin. Soames háviid sáhtta dat mearkašit ahte fertet dahkat váttis mearrádusaid.

Don fertet rehkenastit ahte gárttat válljejuvvot gaskal ovttá ja njeallje gearde dán doibmii njeallje jagi áigodagas. Bargomearri, bistu ja galle diggečoahkkima šaddet, rivdet áššis áššái.

Ovdal diggečoahkkima

Gohččun

Don nammaduvvot ja gohččojuvvot maŋimuš golbma váhku ovdal diggečoahkkima. Don leat geatnegahtton boahitit. Loga mo galggat ohcat beassat boahtimis dás vuolábealde.

Mii sáddet dutnje ášši dokumeanttaid oktan gohčču-min ovdal vuosttaš diggečoahkkima dahje sáddet dan sierra ovdalaš diggečoahkkima.

Jus leat nammaduvvon várremielluopmárin dahje várre-árvoštallanláhttun, de it galgga boahitit, muhto fertet leat gearggus boahitit jus okta dain fásta nammaduvvon láhttuin eai sáhte boahitit. Jus galggat boahitit várremielluopmárin/- láhttun, de oaččut ođđa gohččuma dikkis, ja don oaččut ášši dokumeanttaid poasta mielde.

Bealátkeahtesvuhta

Nu fargga go beasat diehtit geat ášši oasehasat leat, fertet iskat leatgo bealálaš. Don it sáhte leat fuolki oasehasaide dahje leat eará čanastumit nugo ovdamearkka dihti verddevuohta. Bealátkeahtesvuođa njuolggadusaid gávnnat duopmostuolulágas §§ 106-108.

Jus leat bealálaš dahje eahpidat dan, fertet dalán váldit oktavuođa duopmostuoluin.

Ráhkanit diggečoahkkimii

- Don fertet ráhkanit čoahkkimii daid dokumeanttaid vuođul maid leat ožžon.
- Don fertet ráhkanit dasa ahte sáhtta šaddat geahča-



Kárta lea dehálaš veahkeneavvu eanajuohkinrievttis.

deapmi. Váldde mielde bivuid mat leat heivehuvvon jahkodahkii, dálkái ja guvlui.

- Rehkenaste ahte sáhtta šaddat guhkes beaivi, nu ahte válddes mielde niesti ja juhkamuša.

Oktavuolta oasehasain, mediain ja earáin

- Ávžžuhat ahte it hála earáide ášši birra mas leat oasálastán dahje galggat oasálastit.
- Jus oktage váldá oktavuođa ášši birra, galggat čielgasit ja olmmošlaččat hilgut su ja čujuhit buot jearaldagaid dikki jođiheaddjái.
- Don it galgga divaštallat ášši birra oasehasaiguin, mediain dahje earáiguin. Dát guoská maid sosiála mediain.
- Don it galgga váldit oktavuođa oasehasaiguin dahje ieš hahkat dieđuid ovdal dahje maŋŋá diggečoahkkima.

Diggečoahkkimis

Dáhkádus

Vuosttaš gearde go galggat doaimmat mielluopmárin, de fertet addit dákkár dáhkádusa:

«Dáhkídatgo ahte dán áššis ja buot boahhteáigge eanajuohkinlága áššin, áigut čuovvut mielde ja vuhtiváldit buot mii ovddiduvvo, ja čađahit du geatnegasvuođaid oamedovddolaččat ja buoremus jáhkuin, de gearddut mu: Dan mun dáhkídan.»

Maiddáí don gii bálvalat vuosttaš geardde eana-juohkinmielduopmárin lágamánnerievttis dahje árvoštallanláhtton fertet addit seammalágan dáhkádusa.

Láhtten diggečoahkkimis

- Diggečoahkkimis fertet čuovvut šiehtadallamiid nu ahte sáhtát dahkat mearrádusa gažaldagain mat ovddiduvvojit.
- Don it galgga mange láhkái čájehit iežat oaiviliid ja guottuid áššái dahje gažaldagaide mat ovddiduvvojit ášši oktavuodas. Dát guoská maid rumašgillii.
- Dus lea vuogatvuolta gažadit oasehasaid ja vihtaniid čielggadan dihte ášši. Don berret čielgadiid dikki jođiheaddjin man láhkái galggat jearrat gažaldagaid.
- Bottuin dahje geahčadeamiid oktavuodas it berre sagastit oasehasaiguin. Vaikke doai hállábeahhti dálkki dahje bivdu birra, de sáhttet eará oasehasat dovdat dan unohassan.

Geahčadeamis

- Geahčadeapmi lea oassi diggečoahkkimis.
- Dikki miellahttot doalahit iežaset čoahkis.
- Jus dikki mielláhtot lihkká masset goppátguoibmásiid, de eai berre lihkká hállat ášši birra oasehasaiguin.

Manjá diggečoahkkima

Don it galgga háleštit oasehasaiguin ášši birra. Don it galgga ieš háhkat áššedieđuid.

Go mearrádus dahko

Go ášši mearriduvvo, de galggat iešheanaláčat

ovddidit oaiviliid šiehtadusaid vuodul mat bohte ovdan diggečoahkkimis.

Jus dus lea eará konklusuvdna go fágaduopmáris, de galgá duopmár čállit maiddáí du oaivila mearrádus-sii, vaikkoge leat unnitlogus.

Ekonomalaš buhtadus

Don oaččut máksot juohkki čoahkkinbeaivve ovddas, ja lea maid vejolaš oaččut buhtadus masson duodaštuvvon bargodietnasa. Dasa lassin gokčo mátkke -ja borrangolud stáda regulatiivvaid mielde.

Beassan

Beassan eaŋkiláššis

Jus leat gohččon boahtit diggečoahkkimii eanajuohkkin mielduopmárin dahje árvoštallanláhtton, de leat geatnegahtton boahtit. Lobálaš beassan lea duopmostuolulága § 90 vuodul “buozalmasvuolta dahje eará hehttehusat mat dagahit ahte lea veadjemeahtton dahje dohkketmeahtton noađđi boahtit”.

Ovdamearkan “eará hehttehusat” mat sáhttet leat lobálaš eretjávkan, lea olgoriikamátki mii lea dingojuvvon ja mákson, ja lagas olbmo hávdádeapmi.

Beassan diehtu ja sivva dasa eaŋkil áššis fertet sáddet duopmostullui nu fargga go vejolaš.

Bistevaš beassan

Jus gáibidat beassat bistevaččat eanajuohkkin mielduopmárin, de fertet váldit oktavuoda gielddain.

Árvoštallanláhttut fertejit váldit oktavuoda fylkkain.



Mielduopmárin fertet ráhkanit dasa ahte sáhttá šaddat geahčadeapmi. Váldde mielde bivuid mat leat heivehuvvon jahkodahkii, dálkái ja guvlui.



Duopmostuoluhálddahus

Dronningens gate 2, 7011 Trondheim
Tlf. 73 56 70 00
postmottak@domstoladministrasjonen.no

www.jordskifte.no

facebook.com/lekdommer
